



**Sarajevo, 07.11.2013.godine
Broj: 11-49-1088/13**

**TRANSPARENCY INTERNATIONAL
BOSNA I HERCEGOVINA
Predsjedavajući, Odbor direktora TI BiH gos. Emir Đikić
Izvršni direktor TI BiH gos. Srđan Blagovčanin**

**FOND OTVORENO DRUŠTVO BOSNE I HERCEGOVINE
Izvršna direktorica gđ-a Dobrila Govedarica**

**GLAVNA SLUŽBA ZA REVIZIJU JAVNOG SEKTORA REPUBLIKE SRPSKE
Glavni revizor gos. Duško Šnjegota
Revizor učinka gos. Srđan Šušnica**

Predmet: Demant

Poštovani,

Ured za reviziju institucija u Federaciji Bosne i Hercegovine upućuje demant na objavljeni tekst u Publikaciji „Monitoring napretka u provođenju antikorupcionih reformi u BiH,, pod naslovom **“Monitoring funkcionisanja institucija za reviziju javnog sektora (2011-2012)“**, autora Srđana Šušnice, sa zahtjevom da se preispitaju navodi u tekstu, nadležnost gos. Srđana Šušnice, donesu zaključci i povratno obavijesti Ured za reviziju institucija u FBIH o monitoringu objavljenog teksta.

Razlozi za ovakav zahtjev su višestruki:

1. Gospodin Srđan Šušnica je, kao autor teksta „Monitoring funkcionisanja institucija za reviziju javnog sektora za period 2011-2012.godine, naveo netačne, proizvoljne, neprovjerene i neargumentirane podatke, barem što se tiče Ureda za reviziju institucija u Federaciji Bosne i Hercegovine. Time je javnosti, kako domaćoj, tako i međunarodnoj prenio pogrešne informacije o radu Ureda za reviziju institucija u FBIH, čime je prouzročio ogromnu štetu ugledu i povjerenju u rad ove institucije.
2. Ured za reviziju institucija u Federaciji Bosne i Hercegovine uvijek je podržavao rad Transparency International-a i Fond-a otvoreno društvo BiH i bio transparentan za sve kontakte, razgovore i davanje svih traženih informacija koju su prikupljane za potrebe Transparency-a i Fond-a otvoreno društvo. Stoga, u slučaju gos. Srđana Šušnice iznenađuje neprofesionalnost nadležnog Kolegija TI-a (urednički, odbor direktora) koji je odobrio objavu navedenog teksta, ne vodeći računa o vjerodostojnosti i istinitosti navoda u tekstu, kao i kasnijim refleksijama na objavljeni tekst. Također, iznenađuje činjenica da odgovorni Kolegij objavljene Publikacije, ili nadležne osobe za njeno publiciranje, nisu procijenili valjanim da li monitoring funkcionisanja institucija za reviziju javnog sektora može provoditi osoba koja radi u toj instituciji, kao i njene nadležnosti/nenadležnosti za provođenje monitoringa.

3. Na žalost da u Glavnoj službi za reviziju javnog sektora Republike Srpske radi revizor učinka, koji na bazi neprovjerenih, proizvoljnih i subjektivnih procjena u javnost plasira neistine o radu druge Vrhovne revizijske institucije. Gospodin Srđan Šušnica, kao uposlenik Glavne službe za reviziju javnog sektora Republike Srpske, u najvećem dijelu teksta, neistinito komentira članstvo VRI-a u INTOSAI-u, nivo primjene ISSAI standarda, finansiranje Ureda za reviziju u FBiH, visinu javnih prihoda u FBiH, finansijsku reviziju, utjecaje na promjenu sadržaja izvještaja, zapošljavanje, edukaciju osoblja, komunikaciju i drugo, daje vlastite preporuke, a da istovremeno ne prezentira valjane i provjerene dokaze za tvrdnje iznesene u tekstu. Takav neutemeljen i neprovjeren provedeni monitoring funkcionisanja institucija za reviziju javnog sektora za period 2011-2012. godine, gos. Srđan Šušnica odaslao je, putem Publikacije Transparensy International (podržane od strane Fond otvoreno društvo BiH) sveukupnoj javnosti na upoznavanje.

Navedena gospodo u naslovu pisma, Ured za reviziju institucija u Federaciji Bosne i Hercegovine ne može dozvoliti da 13-godišnji uspješan rad VRI-a u FBiH (pozitivno ocijenjen od nadležnih međunarodnih mjerodavnih kolegijalnih revizija –SIGMA, nadležne Parlamentarne komisije odgovorne za reviziju u FBiH, domaće javnosti) bude negativno obilježen objavljenom Publikacijom i u njoj objavljenim tekstom o „Monitoringu funkcionisanja institucija za reviziju javnog sektora u BiH za period 2011-2012“.

S poštovanjem,

**ZAMJENIK GENERALNOG
REVIZORA**

Branko Kolobarić, dipl.oec.

s.r.

GENERALNI REVIZOR

Dr.sc.Ibrahim Okanović, dipl.oec.

s.r.